

OSONDAHA - OMUKUETU

1901

N:o 10.

1951

OKTOBER



„INDENI
NUUJUNI
AUHE!”

„TU NOO-
HAPU DA
KOLELA.”

EICANO LJOMUUA.

Mat. 11: 28-30. Ileni ku ngame one amuhe oonakuihepekiilonga no mua suudigu, ongame no tandi mu talalele.

29 Itsikeni oshijoko shandje, nemu inongekendje, oshoka ongame omunambili, nokuishonopek'omuenjo, one no tamu ke imonene oomuenjo deni evululuko.

30 Oshoka oshijoko shandje oshitalala, nomutenge guandje omupu.

Omukulili guetu, Jesus Kristus sho kua tile: Ongame nde ja okukonga nokuhupica mboka ja kana. Sho ta popi oonakukana, ota popi oonakukana Kalunga, omboka ja kanena miifundja no muukolokoshi ua satana, omutondi guaantu. Manga Jesus Kristus kua li inee ja, aantu ajehe oja li ja kana no ja li momilema duukolokoshi ua satana, ja li inaa uva, no ngashi ja li inaa tseja Kalunga. No nando ja li inaa tseja Kalunga omumegulu, omuumbi gua shaa shoka nomuumbi no guaantu, oomuenjo daantu da li inaadi muena, aue. Oomuenjo daantu oda li da ja kungica ijelekelakalunga. Nopo mpoka ja li je nuudigu, no ja li ja limbililua no ja li nokuihepeka. Aantu ojendji nc ndongo onena haa ihepeke nokukonga nokuikongela ombili. Ongashi ku naantu haa piicomasiku ihaa li sha, no ku naantu haa idengica oongola noodimbo, no ihaa li onjama, no ihaa hokana, no haa kala nomakuti guala, ihaa kala nomagumbo, no ja hala, joopalele anua Kalunga. Sho te popi ngeji ite popi aambaga ojo ajeke. Na ku niimpaga jaakuakristus, osho je li. Ongashika aakatolika, kuji haa simaneke Maria, jina ja Jesus, noku mu galikana, e ja popile anua koshipala sha Jesus, no haa simaneke aajapositoli ngashika Petrus nAndreas nojaakuauo je ja galikanene uo. No ku noonakuihepeka ja tonaticua koohapn da Kalunga no k'Ombepo ondjele ji ilueteke ojo aakolokoshi memsho ga Kalunga no ja tila okugelua ku Kalunga no taa jelekele okutsakanica oohapu omulongo da Kalunga no haa njengua, jo itaa inekele uujuki ua Jesus Kristus nesilohenda lje. Ano ja tja ngeji, osatana he ja limbilike noku ja limbilikila moomuenjo dauo, ngashi, oomuenjo dauo tadi ti: aue, ongoje omuuinaji uunene, ku uapa okugalikana Omukulili guoje, manga u li po ngeji; iopaleka manga, opo to uapa okugalikana Jesus Kristus, a dime po oondjo noondjona doje. Na

mbaka Omuaa te ja lombuele: Ileni ku ngame, ongame no tandi mu silohenda, ro tandi mu talalele oomuenjo deni, nokutja tandi mu kuca mo uumbanda ueni no tandi mu mbilike, no tandi mu njanjuda. Natseni uo, sho tu li mpaka, Omuaa, Omukulili guetu, te tu icana nokua hala, tu mu inekele esilohenda lje. No nge tua siluahenda, no tue mu igandja, otu noku ilekica oshijoko she, nokutja tu mu holeleni, shaampo tua kala. Na sho ta ti: Oshijoko shandje oshitalala, nomutenge guandje omupu. Sho ta popi oshijoko no ta popi omutenge, ota popi uukuakristus guetu. Oku nooitaali ohaa juuvite uudigu uukuakristus. Sho haa ji iuvite uudigu, oshoka ojo no natango inaa ja mo Kristus Jesus omukulili guauo. Ojo tuu mboka haa jelekele okulongela uujuni na Kristus. Omuntu kui iganlja Kalunga nomukulili gue, okui iuvite uutoje uukuakristus. No sho ta ti: Ilekiceni, je ita ti: ongame tandi mu lekica oshijoko shandje, aue. Ompoka ta ti: okehe omuntu, jemuene, ngele a hala okuitaala ndje, ongame itandi mu ciminike. Onke no ta ti: Ongame Omunambili nokuishonopeka cmuenjo, ongame kandi shi omuciminiki omukukntu, aue.

Omukulili guetu, otatu ku hambelele, sho ue tu adica oohapuvangeli doje no ue tu icana, no ua hala oku tu silohenda, sho ua hala oku tu dimina po oondjo noondjona detu, no ua hala oku tu mbilika noku tu talalele oomuenjo detu. Ombepo ja Kalunga, otatu ku galikana u ziminike Omukulili guetu. Tate Kalunga ketu ongoje no nena ua li u tu na, no tatu ku hambelele no tatu ku galikana, nuusiku mbuka, tu langela, ngu kandule po iiponga. Mbika, kuji tue ji ihalele, otatu ji halele naakuetu nojaakuetu. Jambeka, Kalunga ketu, oshilonga shonkuaniiluakalunga shoje.

Omuaa ngoj' guetu, ino vuulua, —
Oshok' otse aamuoje uo
Tua pumbua okukumadiua,
Opo tu nongekelue uo.
Oondunge de ka oopalela, —
Da tsa da jelela

M. R.

Oohapu dika odo da hugunina da zi moshikaha sha Kuku Nakambale, cmuhongi Martti Rautanen. Oda njanjangidilua moshifo sha Osondaha eti 21 lja November 1926, moshifo tuu shoka sha hokolola nehapulo ljombila je.

Esiku 13 lja September numumvo pua piti oomvula 50 okuza kesiku ndjoka oshinjolua shotangotango sho sha njanjangidua muka mOuambo. Hakutja embo ljetangotango lja holoka moshindonga esiku ndjoka, aue, olje ja naale, omumvo 1876 nokuli. Ihe omambo ngejaka gopetameko aluhe ga li ge nokunjanjangidua kiilongo. Oku ga mona kua pula aluhe ecimbo ele niimaliva ojindji.

Omolu shoka omuhongi Savola, sho kua ja lutijaali kOniipa omumvo 1901, okue etelele uo eshina ljosinjanjangido, opo a tale ngele tashi vulika oohapu da Kalunga di indjipalicue ngaaka mOuambo mo muene. Omuhongi Savola okua li kee shi unene onkulungu moshinima shoka, ihe okui inekele oshilonga shi pukulule omulongi guasho. Kalunga a jambeke shili oonkambadala doka. Nando eshina lja li po eshona noonkondo, nuudigu uopetameko owindji shili, esiku eti 13 lja September 1901 aatumua jokOniipa ja aadika ja mana okunjanjangida oshifo shotango shoohapu da Kalunga.

Oshifo shoka sha lukua Osondaha. Aakalele jokOniipa ja tumua je shi fale koongulu oonkuauo domOndonga, ngashi da li po adihe kumue ne pecimbo ndjoka. Aakuanegongalo mboka ja aadika ji ilongo okulesha naua, oja mono oshifo shoka shOsondaha omagano. Aluhe, nge pua piti iiviike iijaali, kOniipa kua zi isheue oshifo oshipe. Miifo mbjoka mua li mu nomauuvico nomafatululo goohapu da Kalunga. Oge ndji ga njolua ku Nakambale je muene. Komeho kua holoka uo uuhokololo nokkundana.

Ihe oshilonga shoka kasha li shaa nuudigu. Esiku limue oombapila da pua po sheke. Esiku ekuavo okashina ka mono oshiponga. Omuhongi a li enokudiginina iilonga ajihe kee naakuaci auambo. Aantu aakuauo ngele ja ka gondja, oje okua ka hogolola oohapu dOsondaha. Ihe oshilonga osha digininua ngaa ngaaka oomvula ndatu nokuli.

Oshifo shOsondaha hasho ashike sha njanjangidua kOniipa moomvula dijaka. Kua holoka uo okambo ka ABD nokatekisa okashona. Nokashina koshinjanjangido sho ka kulupa, peha ljako pua landua okakuauo ka fa nkejaka. Shino sha ningua omumvo 1908.

x x x

ESHINA EPE.

Okashina nkejaka kopetameko oka li no shili okashona, ka feshina ljokuhondja. Nuufu mbujaka uOsondaha nauo uo uushona, ua fiifo iijaali jOmbimbali ja tulua kumue. Ihe okashina nkoka ka longo ngaa nuudiginini, nge kOniipa, nge kOntananga, nge kUukuambi, ngashi ka tembudua koojene jako. Sigo ka mono oshiponga shomulilo she ka jono po sheke.

Oshinjanjangido sho sha kucua ngeji eshina, osha muena ecimbo, sigo ku Windhoek kua landua eshina epe enene omumvo 1925. Oljo tuu ndjoka tali longo nonena. Noohapu dika uo oda piti muljo.

Omumvo 1925, manga omuhongi Waananen (Shimuele) a kala kOniipa, okue ja omuhongi omape, edina lje W. Nieminen. Konjala oshilonga shotango e shi peua mOuambo, osho okutula kumue eshina ndjoka epe ljosinjanjangido. Aaseminari oje mu kua ca moshilonga shoka, sho jo oopaleke iitenda mbjoka ja li ja kuatua kiikogo. Iiviike iijaali inaji guana okupangela kumue eshina ndjoka, ihe shoka itashi tu kumica, sho tu shi shi omulongi ngoka kakua li a mono naale eshina lja tja ngaaka. Nokuli kakua li ku nomuntu a guana oku mu pukulula moshilonga shoka. Gumue auike opo a li, oje Katunga, ngoka u uuvu omagalikano gomulongi ngoka nokue mu pe oondunge. Eshina olja ji kumue nolja tameke okulonga.

Pecimbo ndjoka eshina enene sho lja tameke okunjanjangida omambo, moshinjanjangido mua kala aantu jane: omuhongi Nieminen, ofeilaini Suomi Terho, Festus jAshikolo, na Gideon ja Hosea. Mujo omuhongi Nieminen nomusamane Gideon oja diginina sigo ongashingeji.

x x x

Omumvo 1933 ofeilaini Terho a shuna ku Suomi. Moohapu de delaleko mOsondaha 16.5.1933 okua tse cile aatambi mboka ja li je cike nokuli p' 2000 kutja itaa ka mona ue oshifo shauo. Omolu oluhepo luimaliva no luombapila no luomuuliki sha li shi nokumuena ngaaka.

Ihe nando Osondaha ja si ngeji, peha ljajo pua holoka oshifo cshipe omumvo 1936. Osho Omukuetu u nguka guetu. Petameko ljasho mu September 1936 oshifo shika oshi ihokolola ngeji:

„Omukuetu' nguka guetu kee shi omukuilongo, ngoka ina tseja okukala kuetu nenge omikalo detu. Aue. Okua fa kua putuka pamue natse. Onke ano e tu shi no tu mu shi uo no tu mu hoole. Otua hala okutunga eendacano lja kola naje no tua hala a holoke momagumbo getu oluindji e tu pukulule.”

Oohapu dika da fa da tsa shili naua, oshoka ngashingeji oshifo shika shi holike shili kaambo oje ndji, ngashi omuualu guaatambi jasho gua kondo 4000 nokuli. Tua fa itatu vula ue tu kale katu shi na.

x x x

IIFO IIKUAUO.

Moshinjanjangido shokOniipa inamu pita oshifo shimue ashike nenge iijaali, aue, oja zi mo ojindji. Momimvo 1936 - 1942 mua njanjangidua oshifo shomoshimburu Ons Vriend, opo aalongi jomOuambo ji iigilile okulesha elaka ndoka ekui'ongo. Komeho aalongi auambo sho ja aadika ja tulua ngeji mondjila kashona, oja guana okujnjolica kiifo joku Union, noshifo shika shetu inashi pumbua ue unene.

Pecimbo ndijaka Omukuetu sho sha tameke okuholoka, epandja ljasho etitatu olja li li na aluhe oohapu deputudo no denongelo. Komeho epandja ndjoka lja ningi oshifo shi ikalela, „Oshihohela,” ngashi shi icanua, sigo nasho uo sha ningi oshifo shi ilielela sh' Eh angeno. Kehe ngoka a hala okuihonga miinima jeputudo, na kale omulongi nenge omuntu gu-lue, oti ikongele oshifo shoka.

x x x

OMAMBO.

Omambo ngoka ga piti meshina ndika enene, oge vule ngejaka tue ga popi naale. Opuu holoka uumbo uokulesha u ili no u li moshindonga no moshikuanjama no moshimburu. Omafatululo gOmbimbali ga njanjangidua, nosho uo uutekisa nomahokololo gi ili no gi ili. Aasitagongalo ja uono omambo gelongelokalunga no gompangonger'ki. Aalongi naahungi ja mono omapukululo miilonga jauo. Embo enene li vule omakuauo agehe ga njanjangidua mOniipa oljo eimbilo ndjoka "epe" lja holoka omumvo 1941 no lji imbua sigo ondika "ljehangano" lje ja ngashingeji. Embo ndjoka oli nomapandja 184 nokuli.

Kehe embo tali pula iinima ojindji niilonga ojindji, manga inali pua kunjanjangidua. Oohapu odi nokuhogololua, otashi ti: uutenda uoondanda adihe u nokukongua kamue na kamue muupungulico uauo no u nokutulua kumue u ninge iitja nomatumbulo. Omapandja gamue nge ga tulua meshina, oge noku-pukululua, muua kale nando epuko. Ashihe sho sha pangelua ngeji naua, aalongi otaa tameke okukueja eshina noku li tonatela naua, oshoka oljo enima enene itali lelua komuheci nenge komusama. Meshina tamu tulua oombapila da jeleka, omuualu guomambo ngashi ga halika. Ngashika okatekisa komoshikuanjama sho ka njanjangidua, kehe epandja lja li li nokunjanjangidua lu 10 000 (luomajuvu omulongo). Ando ua mono oombapila di cike mpoka, ando ua kuminua uwindji uado. Ihe oshilonga inashi pua po mpoka. Kehe ombapila oji nokugonjua nuunkulungu, opo omapandja ga landulacane naua. Opo ihe omapandja agehe taga hondjelua kumue meshina li ili tali hondjica ongodi jondarate. Opo mpoka nomapeko uo ga ji kumue nomapandja. Omambo ngoka ga hondjua ngeji ta tulua natango meshina lja fomuele opo pu tetue naua koombinga noombinga. Okuza mpoka omambo ga guana ihe okufalua mostora jomambo.

Ngashingeji iilonga ajihe mbika taji digininua kaaambo ja pukuluka naua kuunkulungu mboka. Aatumua aasuomi otaa kuaca miinima jimue ajike, ihe itaa uhala ue moshinjangido omasiku agehe.

x x x

ETEGELELO LJOKOMEHO.

Eshina ndjoka lja landua omumvo 1925 olja kulupa nokuli. Ihe oshinjangido sho shene inashi kulupa. Osho omugundjuka ti ikongele natango iikuaca iipe. Omashina omape gaali ge ja nokuli kOniipa no ge li po taga tegelele onkulungu ngoka e ga pangele naua kumue. Pamue te ja petameko ljomumvo tagu ja no te tu etele oondunge oompe nkene tu nokuhumica komeho iilonga joshinjangido. Otui inekele omualu guomambo omape gomeke okutana noshifo shika shetu shi opalekue uo no meni no kombanda.

Oomvula 50 odo ecimbo ele. Omo mua guana iinima ojindji, nuudigu uo onindji. Oshinjangido oshishona sha koko sha ningi oshinene, naana ngashi okanona ka kuinua modikua taka koko sigo taka ningi omulumentu a kola ngoka a cikama je muene mondanda je muene.

Sigo ompaka Omua e tu kuaca. Oture mu itaala te tu kuatele uo komeho, opo oohapu de di kale shili du uudilila mOuambo sigo uujelele uado uanikile naua oshilongo kehe nomukunda kehe negumbo kehe nokuli.

Kalunga na jambeke oshinjangido shetu no komeho je na jambeke oshilonga shoka ashije tashi longua musho kaaambo aakueta! Omue guoshilonga shoka Jesus Kristus na simanekue aluheluhe!

x x x



Aanjoli jomambo aadiginini: Nakambale na Shimuele.

OMAKUNDILO

Oshinjangido tashi kundile po uo aauiliki jasho je li ku Suomi, omuhongi V. Kivinen („Omusamane Manja”) nofeilani S. Vilku. Tatu mu pandula omolu uudiginini ueni!

UAA TUMBULA NOJAKA.

Muukulupe uandje nda dimbulukua ecimbo ljangde alihe ljokonima.

Edimbuluko ndika nando lje etele ndje uo iijematici jimue nda li nde ji dimbua; uunene lje etele ndje mbjoka ite vulu ue okukala inandi ji tumbula manga ndi nomuenjo. Ojo okupandula uuanaua nde u ningilua.

One iilumbu omua ningi naua shili sho mua pangele ndje ngeji ndi shi kuholola iinima taji vulu kuleshua momalaka gi ili no gi ili.

One aahongi olje e mu pe ediladilo euanaua ngeji mu endice ndje sigo okOuambo? Nando nde mu pula oofuto odindjidindji, no mua li mu nokumona uudigu u ili no u ili, ihe nani mua li mu nomukumo gua kola hagu koko nokuli. Ngashi okukulupa kuandje inaku fa kuaantu, mboka sho taa kulupa oonkondo dauo tadi fupipala, aue. Moluomukumo gueni hagu koko, onke pakuindjipala kuoomvula dandje opo pokutana kuoonkondo dandje. Ijaloo aahongi!

One aauiliki naatonateli joshilonga shandje, mboka mua ka vululukua na mboka mu li po natango: Kalunga ne mu jambeke je ne mu diginine ngashi mua diginine uo okutonatela oshilonga shika ndi uape okuhokolola iinima ojindji ku ajehe mboka je shi kulesha elaka ljangde. Ngashi nde ji hokolola oomvula odindji ngeji.

One aanjoli otandi mu dimbulukua amuhe nenjanju, uunene mboka mua kala hamu tumine ndje aluhe shoka ndi nokulombuela aaleshi jandje. Nokuli na ngame uo nde mu jakula okutaandelica omadiladilo geni maantu ojendjijendji shili, sigo okumboka mua li mua na nando ompito jilue okucikica omalaka geni kujo. Ano inamu suunje okunjolela ndje. Tu tsikileni ngaa okunjolelacana, nokujakulacana.

One aaleshi mboka hamu futu iikulja mbjoka handi ji pumbua ndi kale ndi nomuenjo, oshilonga sheni oshuanaua shili kashi shi kueciua.

One aalongi jo moshinjangido amuhe: Aluhe shaa tandi mono ipala jeni ja njanjuka sho tamu meneka ongula onene tamu ja kungame, ndu uvite shili kehe esiku ohoole joku mu hoola. Uunene inandi hala oku ku dimbua ngoje omusamane Festus jAmbinga, oshoka omuolwoje ezimo ljoje lja diginina iilonga mbika sigo onena.

One mboka amuhe nde mu tumbula noku mu pandula, otandi mu indile uo neinekelo: „Etejo oljo olindji. Galikaneni muene guetejo a tume aalongi kepja lje.”

Otandi juulukua omuuliki e na ecimbo okukala omukalele guandje. Otandi juulukua aagundjuka je shi kuimangulula miimpuju jilue. Otandi juulukua aanjoli aadiginini je vule aamati jokUushimba. Otandi juulukua egumbo li nomaha ogendji.

Otandi mu kundile po amuhe mboka tamu njanjukilua oshituci shevalo ljangde.

Ongame omukulupegundjuka Shinjangido.

I ICANUA A KA VULULUKUE.

Kuku Salomo ja Shikongo sha Kalulu a hulica oondjenda de ongulohi jeta 4. 9. 1951 maandjauo mOmbalajamumbunge.

Oje okua adika omukulupelela, tatu hala nokuli okutja mOuambo muka ngiika kamu na ue epipi lje. Kua tiua a valua omumvo 1860 manga aahongi jotango inaa je ja, a shashua eti 6. 4. 1885 a ningi ihe omukriste, ojo nomukulukadi gue Sofia sha Shijego, ngoka a tetekele tango momumvo 1948.

Omusamane nguno nando okua li a valeka omuna guokombanda, ini inenepekela uuvalekele ue, uujuni ine u hokua. Okua li e hoole Kalunga noohapu de, nokua li uo omunambili mokulela aantu je. Sigo oonkondo de adihe da pa po nokua hulica ngeji e na Kalunga ke.

E tu cigile ngeji oshiholelua oshuanaua okudiginina ondjila ja Tate Kalunga sigo ehulilo ljetu, ngee muugundjuka nenge muukokele, oshoka Omukulili muene ta ti: „Ngoka ti ididimike sigo ehulilo, oje ta hupicua.” (Mat. 24:13)

Onde mu kundu unene mOmua.

S. Shaduka ja Abraham.

Aakuetu aaholike jomehalakano mUushimba, uunene mbo tamu lili sho kaamu nompito nando okumanguluka miilonga nesiku ljosondaha. Dimbulukueni omugundjuka Daniel mu Babel. Oshipango sho sha gandjua aantu jaa galikane ue Kalunga, shila omukuanilua auike, Daniel okua diginine okugalik na Kalunga komegulu ngashi iigilile, lutari kehe esiku. Ino eca iilonga ji ku imbe okuja melongelokalunga pamue naakueni. Oto jono keiuvo ljoje nokombepo Ondjapuki, ngele ito ji melongelokalunga mongerki pamue noojakueni. Ngele tashi ku geelica kaantu, Kalunga ta kala na ngoje ngashi a kala na Daniel nando u umbilua mekololo ljoonime, ina lika. „One ngele tamu shekelua edina lja Kristus, one aanelago, oshoka ombepo juujelele no ja Kalunga taji mu lambele --- ngele tamu hepekua oshoka one aakriste inamu sohoni; simanekeni Kalunga omolu edina ndjoka. 1 Petr. 4:12-16.

Ondjila jokuja kongerki ngele ja citikua, pombanda komutse guoje oku na omueelo gue eguluka: Omuua ta ti: „Onde ku pa osbeelo she eguluka.” Jelua omuenjo guoje ku Kalunga megalikano. Oto vulu oku shi ninga nomokati kiilonga pahapu di: aagalikani ja shili otaa galikana Tate omombepo no moshili --- Kalunga oje ombepo; na mboka taje mu galikana, ojo je nokugalikana mombepo nomoshili. Joh. 4:23-24.

Diginina omukalo nguka; nge ua zimbuka miilonga, shaa ecimbo ua zimbuka, inda monduda joje, kuca Etestamenti ljoje, galikana tango manga ino li siikulula, Kalunga e ku popice moohapu de. Li siikulula uleshe. Ona u tameke petameko ljevangelii pa Mateus oomuedi doje siku di puila ko ngiika ngoje ua ciki pehulilo ljembo ljoje kepsalmi 150. Ooitaali aakueni muundjendi uauo osho uo moshilongo oja leshe embo ndi ehohike nokugalikana, no ja jambekua shili. „Na ngoje uo inda u ka ninge ngaka.”

Ino tila, galuka.

Omugundjuka, ou uvite uudigu meni ljoje. Uudigu mbuka ouo omolu oondjo doje. Ombepo Ondjapuki oje a tameke oshilonga she momuenjo guoje shoku ku tompela oondjo doje. „Itedulula” tashi ti: Galuka, galukila ku Jesus. Ngele ito itedulula, Kristus nando na se luejuvi, itashi ku kuaca. Ino ludika nombepo Ondjapuki meni ljoje. Ngele taji ti: Hempulula, ino tja: Aae. Ngele taji ti: Hempulula ontumba, ino tja: Otashi sica ndje ohoni. Ino tila okuendicua kombepo Ondjapuki. Ngele ito vulika kombepo, ito ka mona ko ombili. Jesus te ku popica ta ti: „Galukani, galukeni, one aana oonakuiteka ndje, ongame no tandi mu aluda eiteko ljeni.”

Esilohenda oli vule uulunde.

„Esilohenda lja Kalunga lja holoka li etele aantu ajehe ehupico.” Olje ku holokele uo ngoje ngoka to lili: „Jajee, uulunde uandje tau tana montulo jandje.” Esilohenda kali shi okuecela muulunde, aue, oljo okuhupica mo. Esilohenda oljo oonkondo da Kalunga oku ku tola moonjata. Li egululila meni montulo joje. Oljo li noonkondo okusinda uulunde meni ljoje. Jesus e ja okukonga nokuhupica shoka sha kana. Jesus te ku kongo, e ku mono tuu? Esilohenda ndika lja ciki tuu kombando jomuenjo guoje? Ngele lja ciki mo, oohapu domutoti gueimbilo ndino da tsu nomungoje uo: „Esilohenda ljoje ndjo lja njanjuda ndje shili. Sho lju udilile ndje ontulo ndjo, ndaa na ue sho te lili. Uudigu uandje ndi u na ouo uushona ouala. Ngaje nda lala ketundji ljoje, Omuua, itandi njangadala.”

Egumbo oljo enongelo (oskola).

Egumbo oljo enongelo Kalunga e li dike a uape okuputudila mo omuntu. Kalunga ta hala a tsejike megumbo kehe no a simanekue mo. Egumbo kehe nali taandelice esimano lje. Kalunga oje omutungi nomuene guegumbo na ndjoka ho ti: „egumbo ljangdje.” Tala Ps. 127.

Festus Amukua, Windhoek, a njanjukilua omagalikaneno goojina nogoohi, natse sho tatu ja dimbulukua omboka je li mehalakano. Ihe uunene Omuua Jesus ota tonatele aantu je note ja galikanene aluhe. Oje na hambelelue.

Simon Andreas, Windhoek, a tala nkene omabunganeko taga popi ejo lja Jesus otaga tsu ngashingeji, no te tu dimbuluca ehulilo olja heda ko.

L. Mateus Nendongo, Windhoek, oku noluhodi, oku uvite a kanica po ecimbo lje muujuni. Eeno shili, omasiku itage tu galukile, onke otu noku ga longica naua.

Simon Andreas, Windhoek, ote tu dimbuluca shoka omuntu e shi kunu, osho shoka e noku shi teja uo.

F. Naunjango, Windhoek, ota ti: Otse aanelago nge tatu adika tua joga oomuenjo detu, opo tu uape okutaamba ondjambi jetu, Omuua nge ta holoka.

Eliaser Petrus, Ongandjera, oku uvite enjanju no ta ti: Otandi hambelele Kalunga kandje nguka a kala ngame muugundjuka uandje. Omuua na kale te tu gamene koshiponga shuulunde.

Jafet David, Abenab, ota ti: Aakuliita jOmuua, kaleni piijeelo jeitaalo, oshoka ecimbo ljoOmuua katu li shi.

Hofni Erastus oku nomukamo no ta ti: Edu nande li jadi omapukifo, natu pandule paife, sasi otu si si Omueene okua fja omulupifi, notu si si eumbo linja olo li nehafu tali kalelele.

L. J. Langano, Outjo, oku udite, otu nokuhambelele Kalunga omolua si a tuma Omona uaje, no muje tua mona omuenjo.

Otto Kasa va, Namutoni, a mono nkene aatondi je li po ojendji, ihe Omuua Jesus te tu kuaca tu sinde.

EPUTUDO LJAANONA OLI LI MIIKAHA JA HENA JINA.

Omukuluntu kehe e na ojana nenge aatekulua ojo oshinakuganicua she eja putude, jo opalele aantu nuunene Kalunga. He na jina sho ja peua unona mbuka ku Kalunga, Kalunga ta hala uo u putudue. Longa omumuoje okusimaneka aakuluntu noku ja popica. Mu lona okuvulika. Uunene evuliko, ngele lja mono eha momuenjo gnomonona, okukalamuenjo kuako akone kua longelua sha. Evulikanano ljaakuluntu nali kale oshiholelue shaanona. Longa omunona okusimaneka oohapu da Kalunga, nokupopica Kalunga megalikano. Omolu aanona, ngele ngoje u uete ito shi pumbua, diginina oandaha maandjeni pamue naanona jaandjeni, inda mongerki no kiigongi jaakriste aakueni u pe aanona oshiholelue. Ciminika aanona je je koandaha pecimbo ljajo. Naa kuutumbe popepi nomuuvici. Ciminika aanona ja je kenongelo. He na kuate komeho mokutuma aanona kenongelo.

Egumbo nali kombue ijagaja. Pa omunona kehe oshikondo mpo ta kala ho opaleke. Nijuma naji jogue. Uuinaji kehe nau kondjicue. Ngo ta jaka na pukulule pamukalo guoku shi mutulica po. Naku tsejicue aanona uuinaji otau jono po onkalelo ajije jegumbo, onke tau kondjicua. Omukriste kehe na tonatele egumbo ljaandjauo li kale ejapuki lja ninge olumboge luaahondeli. Egumbo nali kale eja; uki, oshoka Omuua oje omujapuki no ta japula uo omagumbo getu ga ninge eha ljokukala mo kue. Momahokololo okukala kuiiguana tamu menika aakuluntu nke ja longo ojana momagumbo gauo noja ningi aatandje. Otamu monika uo aakuluntu mboka inaa longa sha ojana, ihe satana okue ja kuaca okulonaa ojana, noja ningi oshiponga shiilongo. Jamue ja dipagua kojana je ia vala nokuli. Omusamane nomukulukadi omuhoolike, ikongela ecimbo u kundacane naana joje, nujogoki, omuntu e hoole Jesus oje omuanelago, ngoka e shi kulesha okua hokiua ihe ngoka kee shi kulesha ota talua egoja, ngoka iha ji nuudiginini koskola oku uka moshiponga. Jambuka u putude omumuoje. Oohapu domuputudi omukueni di tse mu ngoje di: „Omuuandje pe ndje omutima guoje, ngoje ino dimbua omalongo ga njoko nomakumagidogando gaho.”

(Tadi tsikilua)